

SCHINEBLOOSER
WAGGIS



Fasnacht 1993



z' Basel stinggts

Spieglein, Spieglein an dr Wand
wär isch die ärmschti Stadt im Land,
aini wo dr Gäldpegel ständig singgt,
mir hān do s'Gfühl, dass's z' Basel stinggt.

Es Rauscht das Geld beim FCB
D'Schulde dien pletzlich nimme weh,
E Jubiläumsjohr, dr Uffstieg winggt,
I hoff, dass do nit ebbis stinggt.

Dr Santiglaus dä chunt ins Huus
er leert dert s'Märki-Portemonnaie us
E Flucht, e Schuss und s'Blauliecht blinggt,
mir hān so s'Gfühl, dass ebbis stinggt. ○

Zum Loch am Theater sait ain trogge:
«Selle die doch zahle wo ine hogge».
S'kennt jo si, dass dä Vergleich hinggt,
Mir hān doch d'Meinig, dass ebbis stinggt.

Im Cigy-Areal hets johrelang g'stunge
di Griene hān mit Totekepf-Fähne g'wungge.
Sin d'Charte im Spiel ums Biozentrum zinggt?
Au do glaube mir, dass z' Basel ebbis stinggt.

S'Söpheli sait zem Stöffeli: hit duen i glungge,
i ha dāne wo schaffe mit en Arztziignis g'wungge.
Dr Chef het nyt kenne no welle mache
und Söpheli het uff de Stoggzeehn glache.

Hitte duet s'Söpheli de Chef nimmi so lingge.
Denn mit em Stämpfelchärtli duet's em ganz schenn stingge.

Drugg:




Krebs AG
in dr Dollbevorstadt 56

Bopyri:

druggt uff Tecnomatt 200 g/m²
vo dr Cartiera di Sarego
Walter Bucherer
Inter Papier Agentur, Wintersingen

Farbe:

Europa-Skala vo



in Boar

Lithos:

Steiner AG
Pre Press Team
Schützenmattstr. 31